

AKUWAIPAMAAJATÜ MÜLO'USÜKAT, TÜ KAYAAWASEKAT 1502, EKATTAJUSHI SULU'U SHAJUUSHIN 29 NÜKA'LIA CHI KASHI KANÜLIAIN DICIEMBRE WANAAPÜNA NÜMAA CHI JUYA 2011 MÜNAKAI.

SÜKA KARALO'UTTAKAT TÜ AKUMAJÜNÜSÜ WANEE KASA ANASÜ NAMÜIN NAA WAYUUKANA SULU'U TÜ MMA'PA'AKAT COLOMBIA, EINJATKA'AKA WANEE KA'I SÜPÜLA SAASHAJAANAJATÜIN SÜMAA SA'INNÜINJATÜIN. SA'U WANEE SEMANA AYOOJANAJATÜ SULU'U MMA'PA'AKAT COLOMBIA SÜPÜLA SAINJÜNÜINJATÜIN SHIIMÜINKAT TÜ PÜTCHIKAT YAAKALÜ SULU'U TÜ KARALO'UTTAKAT.

NATUMA NAA LAÜLAYUUKANA (ALIJUNA) ATÜJASHIHKANA SA'U TÜ KAKA'LIINJAKAT WANEE SEMANA:

JAINRAPA WAYAAN MÜSHII:

Shi'ipajana palajankat pütchi: Ano'uktiakat akuwaipa süpüla anaa. Jütüjaa jümata sa'u jüpüshu'aya tü pütchikat anoiktianjatkat tü akuwaipaakat, ekirajaanjana jia sünain, jashajainjatü, so'omüinjatü jüsouktaaya sulu'u tü mma'kat Colombia, shia jülüjainjatka ja'in jamüin ma'i sukuwaipa sukumajaaya tü sa'anashiakat tü pütchikat, tü shiyuupalakat pütchi, anainjatkat aka' jia. Naa laülayuukana sulu'u türa mma'pa'akat eere nepia naa alijunakana, türa miichi o'utkajaleekat natüma naa aapüliikana sukuwaipa wanee a'yatawaa, nala a'yataalikana, nala akalinjaliikana sünain wanee kasa, nala kajapulu'ukana sukuwaipa tü ano'uttianjatkat na'anasia wayuu jee müshijja'a nala ekirajüliikana, eenjatü sulu'u nakaralo'use sümaa na'inrüinjatüin shia tü aküjünakat yaa sulu'u tü karalo'utta.

Shi'ipajana piama: süpüla sa'innüinjatüi tü münakat. Kama'anainjatkat sukuwaipa shia tü miichi mülo'usukat kanüliain *Ministerio de Salud* jee müsüja'a miichikat *Protección Social* münakat, nayainjana kama'anaka sukuwaipa, nayainjana anajülinjanaka, majutuma mayaain müinjanakana süpüla sapaanamatüinjatüi sukuwaipa tü pütchikat yaakalü yaa sulu'u tü karalo'uttakat, aapajankat wanee kasa anasü namüin wayuukana sulu'u tü mma'pa'akat *Colombia*, nayainjana ano'ittiraka sukuwaipa süpüla tü sütujanüinjatüin a'u shiyataaya tü yainjatkat. Naa wayuukana, sa'u naapainjanain wanee kasa anasü

sünainjee tü aküjünakat achiki yaa, einjatü wanee kasa a'innüinjatkat namüin naa miichikana aküjünayutkana achiki.

Shiasa'a joo sukuwaipainjatkat, tü miichi mülo'usükat *Ministerio de Salud* jee müsüja'a tü miichi *Protección Social* sümaa joo türa o'ukkajalekalüirua miichi: ma'aka türa ekirajaapülekat sulu'ukat mma'pa'akat *Colombia*, ayo'ojirainjana süpüla sa'innüinjatüin tü münakalü joo tü karalo'uttakat. Sünainjee tü pütchikat yaakalü ashajünüin, tü sa'inrüinjatkat tü miichi mülo'usükat shiatü süintire'erüinjatüin tü akuwaipa süpüla a'ijirainjanai, kojutirainjani waya süpüla tü anajirainjanain einjanale kepiyajirain.

Anütaka wanee sukuwaipa, tü miichikalüirua mülo'uyuukat *Ministerio de Salud* jee *Protección Social*, narüle'erüinjatü sa'in sukuwaipa süka wanee pütchi sulu'usu karalo'utta kanüliain 246 sa'akasü tü kanüliakat *Ley 100*, karalo'uttakat tü akumajuushi wana nümaa juyakai 1993, jülüjainjatü na'in sümaa tü nakumajüinjatüin sukuwaipa süpüla tü na'inrüinjanain tü münakat naa achuunajünakana sulu'u tü ashajushikat, ma'aka naa a'yataakana nama naa kajapulu'ukana sukuwaipa tü o'ukajaleekat –*Sistema de Protección Social*- münakat, karalo'utta sukuwaipamaajatü wanee pütchi, asawajüinjatkat kasa anasü namüin naa wayuukanairua eekana süpa'a *Colombia*, aapaji'irainjatüi joo shia sütsüin sünainjee wanee karalo'uttaya kanüliasü *Plan Nacional de Desarrollo*, karalo'utta achajasü ano'utta akuwaipa.

Shi'ipajana apünüin: sükalinjiajatkat tü anaakalü akuwaipa. Tü ka'i süka'liainjatkat süpüla shiyoojonajatüin jee sa'innüinjatüin tü pütchi sulu'ukat tü karalo'uttakat, shiainjatü *semana* najattiamüinka chi kashi kanüliain *abril*, juyawalinjatü a'innüin tü. Saapanaka'aka *semanakat* tü, shia sünainjee tü 27 nüka'lika kashikai *abril* nüma'ama juyakai 1955, wanaapüna sümaa ka'ikat tia' anoujiraanüsa wanee karalo'utta sümaa anasüin shia jee sa'innale'inña sulu'u mma'pa'akat supushua'aya tü pütchi yalakat ein sulu'u, -*Convenio 102 de la Organización Internacional de Trabajo (OIT)* sünülia, sümaajiraaja'a wanee aküjüshi karalo'uttalu'usia ekai wanee mma' kanüliain *Filadelfia*, anakaja'a shiale sümünaka sünainjee süka'lia tü karalo'uttakalüirua achuunajuyutkat.

Shi'ipajana pienchi: wanaa sümaa sükalikat tü *semana de la seguridad social* münakalü joo ma'upüna, tü miichikat mülo'usükat *Ministerio de Salud* jee müsüja'a *Protección Social*, namaajira'a naa waneinua ma'aka naa aimajakana nakuwaipa naa ekirajaliikana, naa a'yanaajiraakana sümaa joo tü *Protección Social* münakat, naa e'ittaaanüshikana pejepüna jee chapüna wattapüna, nayainjana yalalayainjanaka süchirua süpüla sa'innüinjatüi jee müsüja'a nachajainjatüin sukuwaipa tü asülajünüinjatkat namüin naa a'yataainjanakana sünain so'utpüna ka'ikat tia', jee müsüja'a tü nojolüinjatüin mojusüsa'a tura jikirajjakat münüinjatüin wanee ekirajia.

Tü a'innüinjatkat wanaa sümaa ka'ikat tia' shia ayoojowaa süchiki tü pütchikat ashatnakat sulu'u tü karalo'utta, tü jamüinjatüin shi'ikiaipa, ma'aka tü pütchi, jaashaja süchiki, makalü, süpüla joolu'u süsawajaanajatüin tü ke'ireekat a'inñü, tü akalinjirawaakat süpüla anainjanai waya.

wanaapüna sümaa tü ka'i aküjünayuuutkalü achiki, tü wanee *semana* münayuuutkat, akumajünüinjatü jamüinjatüi shi'ataya tü pütchikat sulu'u tü miichi o'utkajaalekat ma'aka tü ekirajaapüleekat, eere noutkajaain naa a'yataalikana jee müsüja'a türa kama'anakana sukuwaipa ekirajaa, süpüla natüjainjatüi sa'u nasouttainjanaka'a yalejee sünaajee türa pütchikat.

Shi'ipajana ja'rai: aapünüinjatü wanee karalo'utta kettasüürü, sümaajatü achajawa akuwaipa anasü nümüin waneeshi wayuu, sümüin waneesia wayuu, naa mülo'utkana sulu'u nakuwaipa namüiwa'a, karalo'uttakat tü akumajünüsü sümüin shi'ipa mma'pa'akat eere waya, süpüla aimajiaipainjatüin akuwaipa anasü wamüin wapushu'aya, tü karalo'uttakat aapünüinjatü süpüla akumajainjatüin joo tü kalinjirawakat sulu'u tü mma'pa'akat supushu'aya *Colombia* münakat, jülüjainjatkat a'in tü, shia türa miichi mülo'usükat *Ministerio de Salud* jee müsüja'a türa *Protección Social*, namaajiraaja naa jülükat a'in anainjatüi tü ekirajaa, naa a'yataakana sünaajee sukuwaipa tü aimajiaipa'akat kasa anasü: jülüjainjatü a'inñü tü karalo'uttakat sulujutkat türa miichi o'utkajaleekat *Interamericana (CEISS)* münakat süka tü shiain jülüjain a'un paala süpüla einjatüin wanee karalo'utta aimajiaipa akuwaipa, aapanüinjatü wanee atsüni sünaajee wanee miichiya'a ayoojopüle kanüliasü *Conferencia Interamericana de la Seguridad Social (CISS)* jee sünaajee wanee o'ukajale'ella eere pa'inwawaa süchi kasa anasü kanüliasü *Asociación Internacional de Seguridad Social (AISS)* jee müsüja'a sünaajee wanee akolochojirawaa süchi kasa anasü sünülia *Organización Iberoamericana de Seguridad Social (OISS)*, a'innüijatü tü süpüla wanesüinjatüin sukuwaipa pütchikat, nojotso yalejewain müinjatüin jee müsü'a shia atüjünüinjatü apüle wanee pütchi sulu'ujejatü Guatemala münüsü.

Shi'ipajana aipirua: sukuwaipa jamüinjatüin joolu'u tü aimajiaipa'akat shi'itanüinjatüin sa'aka tü akuwaipa, türa karalo'utta ekirajaayakat. Tü miichi mülo'usükat, tü kajapulu'ulukat supushu'aya sukuwaipa tü ekirajaakat kanüliain *Ministerio de Educación Nacional*, sukumajüinjatü sukuwaipa sünaajee wanee karalo'utta sukuwaipamajatkat tü ekirajaakat, sünülia *artículo 76 de la ley general de educación*, ashajuushi wana nümaa juyakai 1994, karalo'uttakat tü sükalinjüinjana sünaajee jamüinjatüin sukuwaipa shi'ikiaipa tü aimajiaipa'akat kasa anasü wamüin wapushuwa'aya, e'ikiaipakat tü sümüinjatü tü ekirajaapüleekat eekat sulu'u mma'kat supushu'aya *Colombia*, süpüla natüjainjatüin sa'u

jee nayawatüinjatüin sukuwaipa tü pütchikat eekalü sulu'ü tü karalo'uttakat aimajiaipa'kat akuwaipa anasü jee müshiija naa tepichikana ekirajashiikana.

Shi'ipajana akaratchi: wanaa sümaa tü süka'liakat saashanüinjatüin tü aimajiaipa'akat kasa anasü wamüin wapushu'aya, tü miichi mülo'usukat *Ministerio de Salud* jee müsüja'a türa miichi *Protección Social*, nalatirüinjatü wanee pütchi ashajüshi sümüin wanee o'utkajaale akaratchi münüsü –*Comisión séptima de la cámara de representante*- jee namüin naa sülaülakana tü ashajaa pütchi, ma'aka joo tü aimajiaipa'akat –*Senado de la republica*- eere namünüinjanain sümaa jamüin sukuwaipa tü karalo'uttakat, jerainnain wayuu anakana sünainjee müsüja'a kasain a'innüin süpüla ein a'yatawaa jee türa jamüinjatüin sukuwaipa joolu'ü tü asülajünawaikat kashiwai namüin naa laülayuukana na kettainakana suulia türa yanama jee müsüja'a kasain a'yatanüin anain süpüla ano'uttainjatüin akuwaipa.

Eesü wanee miichi aimajülü sukuwaipa tü nneerü a'yataanakalü aka', ma'aka sünain sukuwaipa tü aküjünakat achiki sulu'ü tü karalo'uttakat aimajiaipa'akat, sünülia –*Superintendencia Financiera*- sümaa wanee miichiya'a aimajülü tü a'yatawakat sünain anainjatüi sukuwaipa tü anali'iraakat sünülia –*Superintendencia de Salud*- , miichikat tüirua naküjainjatü sulu'ü wanee karalo'utta anale sukuwaipa, mojusaja'a mojule sukuwaipa a'yatawakat sutuma tü waneirua miichikat, aküjünayütikalü achiki, müinjatü namüin naa o'utkajaliikana sulu'ü tü o'ukajaalekat akaratchikat münayütkat –*Comisión séptima de la Camara*, namale'eyajaa namüin na akumajülüikana pütchi süpüla ashajünaa –*Senado de la republica*-

Shi'ipajana mekiisat: anü wanee soomüin sukuwaipainjatukat a'yatawakat süpüla saapain sütsüin jee sa'anashiase tü aimajiaipa'akat kasa anasü wamüin wapushu'aya. Nojoishi motuinjanain a'inñu wayakana wayuukana jee müshiija'a naa wayuujirakana wama sulu'ü tü mma' kanüliain *Colombia*, ayoojoojatü tü aimajiaipa'akat kasa anasü wamüin wapushu'aya, yalejee sünain tü anoulaakat, tü akuwaipa'akat sulu'ü wayuuwaa.

Naa sümotsoinkana tü aimajiaipa'akat kasa anasü wamüin wapushu'aya, nayainjana jülüjaka a'in tü anoulaakat, tü akuwaipaakat sulu'ü wayuuwaa süpüla sukumajainjatüin sünainjee tü aimajiaipa'akat yalejee yala sünainjee atüjanakalü a'u natüma naa wayuukana, süpüla sujüittainjatüin wane kasa anasü yaleje'eya.

Shi'ipajana mekietsalü: naa laülayuukana aluwataashiikana sulu'ü mma'pa'akat supushu'aya kanüliakat *Colombiain*, na'inriramatüinjatü tü münakat sulu'ü tü karalo'uttakat süpülapüna aipirua (6) kashi, ayawajünale'esi'i kashikat ekeraajünakat a'u tü karalo'uttakat.

Shi'ipajana poloo: akuwaipakat tü, aluwataushikat, kettaipa süpüla a'inna, shiimüinpa yalejee sejettüinaiwa a'u.